

浮山縣志卷之三十一

災祥

昔周設保章氏以察妖祥春秋列國太史各省其國之所屬辨其吉凶浮雖一邑其地大於陳蔡滕薛諸封多矣夫惟識微之君子遇祥不喜遇災不玩鑒往事以恐懼修省雖雉鼎祥桑皆家國之吉矣志災祥

陶唐

堯之庭有草生焉曰蕢蕢十五之前日生一葉十五之後

浮山縣志

卷之三十一

災祥

一

日落一葉小建則一葉厭而不落觀之可以知旬朔故

又名歷草

史記

堯時蕢蕢夾階而生舜亦如之

帝王世紀或云卽

朱草

按大戴禮朱草日生一蕢至十五日後日落一

葉周而復始則蕢蕢類爾

孝經援神契云朱草生蕢

蕢萐乃二物也

抱朴子又名仙茅云

聖王仁功濟天下者堯也天降精

於庭爲薤感百陰而爲菖蒲

世紀典術

通志按吳氏本草菖蒲名堯薤

堯

在位七年麒麟遊於藪澤

唐傳

堯卽政七十載德政清平

比隆伏羲鳳凰巢於阿閣

尚書中候

堯爲仁君一日十

瑞宮中芻化爲禾鳳凰止於庭神龍見於宮沼歷草生

堦宮禽五色鳥化白神水生蓮筴蒲生廚景星耀於天

甘露降於地是為十瑞

任昉述異記

堯時有屈軼草佞人入

朝則屈而指之名指佞草

博物志

堯時嘉禾七莖三十五

穊

詩含神霧

陶唐之世南夷有越裳氏重譯來朝獻神龜蓋

千歲方三尺餘背有科斗文記開闢以來堯命錄之謂

之龜歷

鄭樵通志

堯遭洪水而民無菜色

揚震傳

桐挺東廂於

是訪桐以定閏

路史

日月如合璧五星如連珠

宋符瑞志

堯率

舜等遊首山觀河渚有五老飛為流星上八昴

論語識

堯

浮山縣志

卷之三十一 災祥

二

遊河渚赤龍負圖以出圖亦如綈

春秋元命苞

堯時三年耕

餘一年食謂之升平九年耕餘三年食謂之登平二十

年耕餘七年食謂之太平

兎園策注

太平之時雲則五色而

為慶三色而成疇

呂氏春秋

通志按舊志五色雲現於長子之南山經日不散因各山為

慶筴脯生於廚

符瑞志

筴脯一名倚扇狀如蓬大枝葉小根根如絲轉而成風殺蠅堯時生

於堯時有獬廌緝其毛為帝帳

田俵子

張揖漢書注日獬廌似鹿而一角人

若賞罰得中則生於朝廷觸不直者

又論衡云廌一角羊也青色四足或日似熊

角之羊也性知人有罪臯陶治獄其罪疑者令羊觸之

堯時龍馬銜甲赤文綠色

臨壇上甲似龜廣袤九尺上有五色文春秋緯

周

襄王三年雨金於晉竹書紀年

靈王十四年秋八月丁巳日有食之董仲舒劉向以為晉

大夫專政之象

貞定王三年乙亥晉地震綱目前編

考王八年彗星見 十三年癸丑無雲而雷舊通志桃李冬

實綱目前編

浮山縣志 卷之三十一 災祥 三

威烈王三年晉大旱地生鹽竹書紀年冬十一月晉有大火下

於北方其聲如鼓 四年四月晉大雨雪

安王十五年魏大風晝昏竹書紀年

顯王九年魏彗星見 十年魏星晝墜有聲史記

秦

始皇四年晉大雪舊通志

漢

文帝三年秋天下旱漢五行志

景帝中三年正月丁亥金木合於觜觿爲白衣之會三月

丁酉彗星夜見西北色白長丈在觜觿旦去益小十五

日不見 五年四月乙巳水火合於參 天文志

景帝後二年秋晉大旱冬十月日月皆赤十二月雷日

色如紫五星逆行太微月貫天街中 舊通志

宣帝本始元年四月壬戌甲夜辰星與參出西方 天文志

元帝五年夏四月有星孛於參 漢書

哀帝建平元年十二月白氣出西南從地上至天出參下

浮山縣志 卷之三十一 災祥 四

貫天厠廣如一疋布長十餘丈十餘日去 天文志 按舊志訛作元

帝永光元年

後漢

光武帝建武十二年雨雹大如杯壞敗吏民廬舍 五行志注

章帝建初五年二月戊辰木火俱在參 古今注

和帝永元元年正月辛卯有流星起參長四丈有光色黃

白古今注曰癸亥鎮在參 七年二月癸酉金火俱在

十六年四月戊午客星從紫宮西行至昴 天文志

安帝元初元年六月丁巳河東地陷

延光二年春正月河東大風三月河東大風拔樹

桓帝建和元年秋七月河東言木連理後漢書河東有嘉瓜

兩體同蒂宋符瑞志

永壽二年七月河東地裂

靈帝建甯四年五月河東雨雹山水大出漂壞廬舍五百

餘家注袁山松書曰是河東水暴出也河東地裂十二

處裂合長十里百七十步廣者三十餘步深不見底五行

浮山縣志 卷之三十一 災祥 五

志

晉

武帝咸甯二年八月庚辰地震晉五行志

太康元年雨雹傷禾麥三豆五行志

惠帝永寧元年十月風雹折木傷稼五行志

北魏

永平三年夏四月禽昌襄陵二縣大疫自正月至此月

死者二千七百三十人北史

孝明帝熙平元年十二月甲辰月暈東井觜參五車占曰

大旱

天象志

出帝永熙元年十一月辛丑有大流星出昴北東南流輾

畢貫參光明照地有聲如雷

天象志

東魏

孝靜帝天平四年四月乙酉并肆汾建晉東雍南汾秦陝

九州霜旱人饑流散開倉賑恤

北齊書

元象元年八月東雍州獻嘉禾

靈徵志

浮山縣志

卷之三十一

災祥

六

武定六年五月晉州上言木連理

北齊

武成帝河清二年四月并汾晉東雍南汾五州蟲旱傷稼

遣使賑恤十二月大雨雪連月南北千餘里平地數尺

霜晝下

北齊書

隋

文帝開皇二十一年十一月戊子立晉王廣為太子是日

天下地震

煬帝大業八年天下旱百姓流亡六軍凍餓死者十八九

五行志

唐

太宗貞觀二十三年冬十一月乙丑晉地震給復二年賜

壓死者人絹三疋

舊書 按五行志河東地震晉州尤甚壓死五千餘人

高宗永徽元年四月己巳晉州地震 二年冬十月辛卯

晉州地震 舊書

武后垂拱三年天下饑 五行志

浮山縣志

卷之三十一 災祥

七

元宗開元十五載

天寶三年正月改年日載

晉州大水 五行志

肅宗乾元二年

至德三載二月改載仍日年

四月丁巳有彗星色白長

四尺東方疾行歷畢昴觜觿參至右執法西凡五旬餘

昴畢為趙參為唐 天文志

代宗廣德二年十二月丙寅有長星出於參

舊書 天文志其長亘天

長星彗屬 參唐星也

九年晉州神山縣慶唐觀枯檜復生

五行志 舊通

志作興 唐觀

十年九月戊申月暈熒惑畢昴參東及五車暈

中有黑氣乍合乍散十二月丙子月出東方上有白氣

十餘道如匹練貫五車及畢皆觸參中夜散去占曰其

宿則晉分也天文志

憲宗元和十二年六月晉州水害稼五行志

宣宗大中六年三月有彗星出於觜參天文志云參唐星也

懿宗咸通三年十二月晉州地震五行志云壞廬舍地裂泉湧泥出清色八

年正月丁未地大震五行志云河中晉絳三州地震壞廬舍人有死者

僖宗乾符五年秋大霖雨河水溢流害稼 中和三年晉

州地震

浮山縣志 卷之三十一 災祥 八

五代迄明洪厓子墓萬年燈屢見屢隱

五代晉

廢帝天福八年四月天下諸道飛蝗害稼食草木葉皆盡

宋

太祖建隆二年七月邑之北谷中有鐵隨水流出方二丈

三尺其重七千觔 三年晉州民家多生魃宋五行志十二

月戊戌晉州饑賑之宋史

乾德元年二月辛亥晉州饑命發廩賑之宋史

太宗淳化二年晉州旱

宋史

眞宗景德二年晉州及神山縣甘露降

五行志

大中祥符八年八月邑之慶唐觀古柏中生槐長一丈

有餘

仁宗天聖三年冬晉州饑發粟賑之

宋史

明道二年河東蝗

神宗熙甯四年四月二日晉州禾異莖同穗

五行志

哲宗元符元年晉州禾合穗

五行志

浮山縣志 卷之三十一 災祥 九

徽宗建中靖國元年晉州禾合穗

五行志

崇甯元年春正月丁丑地震詔賜錢有差

宋史

宣和二年諸路蝗

遼

太宗會同四年九月壬申有星孛於晉分

遼史

金

後廢帝大安元年十一月丙申平陽地震有聲自西北來

戊戌夜又震自此時復震動浮山縣尤劇城廨居民地

者十七八死者九二三千人詔平陽地震人戶三人死者免租二年二人及傷者免一年貧民死者給葬錢五千傷者三千六月大旱賑貧民闕食者五行志

宣宗興定三年五月壬子太白晝見於參金史

元

世祖至元十三年平陽路旱 十八年三月平陽等路饑民流移就食有饑而死者

成宗元貞元年七月旱蝗

浮山縣志 卷之三十一 災祥

十

大德七年八月地大震 九年五月癸亥以地震改平陽路為晉甯路六月晉甯等郡大雨雹害稼嘉禾生 十年閏正月晉甯地震不止 十一年七月晉甯路水

武宗至大元年五月晉甯等處蝗五行志

仁宗皇慶二年三月晉甯饑元史

延祐二年正月戊辰晉甯等處民饑給鈔賑之 三年

九月己未晉甯等郡地震五行志

泰定帝泰定元年六月晉甯饑元史 四年八月晉甯旱

政和元年三月晉甯路饑賑之

文宗天歷二年癸丑晉甯路饑五行志

至順元年七月蝗閏七月辛卯隕霜殺稼二年四月

大旱不能種告饑六月蝗

順帝至正七年十二月晉甯饑十九年九月丙午夜白

虹貫天二十三年九月庚申平陽路有白氣三道一

貫北極一貫北斗一貫天漢至夜分乃滅

明

浮山縣志

卷之三十一

災祥

土

洪武永樂成化洪治間洪厓子墓萬年燈屢見其光甚盛

宣宗宣德二年山西大饑流移十萬餘口

英宗正統六年山西民饑

憲宗成化十二年山西京師黑眚見二十年大旱饑殍

盈野二十一年正月朔日地震者三是年民大饑人

多相食

孝宗洪治十八年乙丑春夏無雨河東州縣大旱禾稼枯

死秋田未種赤地遍野米價騰湧民饑無食多有剥樹

皮以充饑者

世宗嘉靖三十四年十二月地大震聲如雷壞廬舍壓死者甚衆月餘始息

穆宗隆慶二年旱蝗

神宗萬曆十三年冬至六月無雨 十四年大旱赤地千里餓莩盈野疫癘死者枕藉三月發帑賑之 三十四年夏五月星晝見十餘日 三十八年旱饑秋八月疫癘多喉痺一二日輒死 四十年大疫 四十三年蝗

浮山縣志

卷之三十一

災祥

三

蝻害稼 四十三年乙卯萬年燈復見是年高捷登鄉科邑自陳孜成化壬辰得第後至此已百有餘年高捷始登科識者謂爲科名之瑞應云

懷宗崇正十二年蝗蝻食禾十四年以累歲大旱游饑粟貴如珠百姓食糟糠剥樹皮掘草根甚至人相食鬻子女僅易一殮在襁褓者父母棄之道路不顧而去商旅不敢獨行餓殍盈野慘不忍目

國朝

聖祖康熙元年黃河清 壬子萬年燈復見閃爍焯焯有
似蓮炬是年喬昌齡登鄉科 十六年邑東四十里橫
嶺乃通上黨一帶大路居民客舍在焉汲道維艱人甚
苦之十月間道旁突出數泉色清味甘居民便之知縣
潘廷侯詳其事上憲均褒獎之 三十年六月大旱蝗
詔發穀賑濟仍蠲免田租 三十一年又旱上年蝗生子
名蝻爲災無禾民饑奉

旨蠲賑仍

浮山縣志

卷之三十一

災祥

三

詔所司撫卹 三十二年大有麥 三十四年四月初六
日亥時地大震臨汾洪洞翼城浮山尤甚壞廬舍十之
五壓死者數萬餘人民皆野處奉

旨發帑散賑又給貧民修葺銀每間一兩并發西安庫帑
修築城垣官廨學舍百姓困若者數十年 三十七年
夏旱民饑瘟疫盛行奉

旨蠲免二年錢糧仍發倉穀賑濟 四十三年邑東二十
里南原上民間耕牛產麟其角肉鈴鱗奇異有如繪形

里民慮報官滋擾數日不給食而斃自產麟之後浮邑
人民漸有起色 五十五年夏五月楊村河史壁一帶
冰雹如鵝卵打禾殆盡 五十六年三月天鼓鳴洪厓
子萬年燈見是科丁酉席豐張大統同登鄉薦 五十
九年秋不雨無禾冬復無雪 六十年大旱自春至夏
無雨赤地數千里滑饑市斗米五錢府大斗米八錢民
饑乏食樹皮草根剝掘殆盡合邑紳士各捐粟銀不等
在城隍廟擇極貧不能舉火者按口按日散米濟賑更

賴商販粟米自湖廣江南山東河南輓運至清化復資
騾馱由太行山路一帶晝夜絡繹不絕運至平屬民得
以生旋蒙

特旨遣左都御史朱公軾賫帑散賑維時浮邑百姓無流
離逃竄之苦至六月初旬始雨二十六日大雨四野霑
足穀黍廣布嗣是夜雨晝晴秋禾大稔

世宗雍正三年大稔 四年大有年 五年秋大有年
六年春疫大熟 七年大稔是年八月以山西連歲豐

登

特詔免通省庚戌年地丁銀四十萬兩以示勸勵冬十有一月又以民人踴躍急公辦駱駝鞍屨不勞而集復頒恩詔蠲免通省辛亥年地丁銀二十萬兩 八年大熟九年大有麥秋禾大豐瑞穀盈野 十年洪厓子萬年燈復見是科壬子張景灝登鄉薦

乾隆元年大有麥 八年閏四月初八日戌時有星自東北流於西南光明照地頃之聲震如雷夏五月大熱

浮山縣志

卷之三十一

災祥

五

道路行人多有斃者京師更甚浮人在京貿易亦有斃者六月大雨迅雷城內幼童年十六被龍擊斃西鄉亦有震斃人畜者是歲鄰封被雷震斃者甚多秋彗星見西方色白長三丈餘閱月乃沒 九年六月初二日午刻大雨有龍飛入民間樓舍須臾煙火內起樓盡焚十一月初三日大雪 十年正月朔日雨雪十二日有大星晨墜自東而西頃之有聲四月初四日地微震嘉慶九年旱麥不熟平陽饑奉

旨緩徵仍給賑有差

道光二十六年秋饑 二十七年夏無麥秋大熟

同治八年大有麥

光緒三年大旱麥薄收秋大饑奉

旨開倉賑濟蠲免田租 是年旱魃爲災入秋愈甚自七

月無雨至於十月禾苗盡枯麥種未播饑民餬口無資

搜食樹皮草根甚有人相食者餓殍相望慘不忍言時

皖江曾公沅甫適撫晉疆奏請開倉賑濟荷蒙

浮山縣志

卷之三十一

災祥

六

恩准仍慮倉穀不支備籌款項因糧他省緣途轉運分撥

俾資接濟 四年春大疫夏無麥六月旱秋霖雨損稼

均奉

旨加賑蠲免田租 歲當災祲之餘麥秋不繼粟價屢昂

斗米價銀值至二兩五錢麥亦如之貧民饑餒益迫糞

種無資由是毀家失業者甚多加以秋成再歉而富室

亦空沃產良田反成累贅幸蒙

爵憲申奏仍行撥款加賑

浮邑奉撥共領到小麥漕糧
八千一百一十石賑至五年

五月乃止以紓積困閭閻漸有起色一邑遺民實蒙再造
五年春旱麥薄收奉

旨緩徵並給民牛馬籽種

浮邑奉撥共領到牛一百二十七頭馬八十一匹減價出售即

以所售價值作為籽種之費散給貧民

令墾荒田

秋熟仍免田租之半

是年上忙錢糧緩至秋後帶徵顧大稔之後積困方蘇雖經秋獲猶恐兩忙並徵民力未逮特蒙

爵憲奏請

六年夏始大稔

恩准蠲免